



Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-03-45-02981/23

Datum: 20. 06. 2023. godine

Na osnovu člana 26. stav 1. tačka a. Zakona o državnoj službi u Kantonu Sarajevo ("Sl. novine KS", br. 31/16) i člana 31. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanje određenih prava ("Sl. novine KS", br. 39/16 i 10/17), rješavajući po zahtjevu za obavljanje dopunske djelatnosti podnesenom od strane Anide Kavazbašić, državnog službenika, raspoređenog na radno mjesto kantonalni inspektor rada, direktor Kantonalne uprave za inspekcijske poslove Kantona Sarajevo donosi

RJEŠENJE

Anidi Kavazbašić, državnom službeniku, raspoređenoj na radno mjesto kantonalni inspektor rada, daje se saglasnost za obavljanje dodatne djelatnosti koja se odnosi na učešće u radu Komisije za provođenje procedure Javnog poziva za podnošenje prijava udruženja i neprofitnih organizacija za dodjelu sredstava u svrhu finansiranja/sufinansiranja aktivnosti/programa/projekta za djecu i mlade do 19-ste godine života u 2023. godini iz Budžeta Sarajevo, kao izabrani član iste Komisije, pod uslovom da dodatni poslovi za koje se traži saglasnost ne utiču na redovan proces rada, te da se rad u Komisiji ne odnosi na djelatnosti koje mogu biti predmet inspekcijskog nadzora.

Ukoliko se za vrijeme trajanja Rješenja, od strane direktora Uprave ili od strane neposrednog rukovodioca utvrdi da obavljanje dodatne djelatnosti utiče na redovan proces rada, ili se obavlja mimo naprijed navedenih ograničenja, isto će se ukinuti odnosno prestati da važi, o čemu će državni službenik biti pismeno obavješten.

OBRAZLOŽENJE

Anida Kavazbašić, kantonalni inspektor rada, dana 15.06.2021. godine podnijela je zahtjev za obavljanje dodatne djelatnosti koja se odnosi na učešće u radu Komisije za provođenje procedure Javnog poziva za podnošenje prijava udruženja i neprofitnih organizacija za dodjelu sredstava u svrhu finansiranja/sufinansiranja aktivnosti/programa/projekta za djecu i mlade do 19-ste godine života u 2023. godini iz Budžeta Sarajevo, kao izabrani član iste Komisije. U zahtjevu navodi da je putem e-maila od strane ministricе Ministarstva za odgoj i obrazovanja obavještena da je ista planira imenovati za člana pomenute Komisije, a obzirom na njen kvalitetan i predan rad u realizaciji javnog poziva Ministarstva za odgoj i obrazovanje u 2022. godini, pa je u svrhu navedenog i podnijela ovaj zahtjev imajući u vidu da ne postoji sukob interesa ili nespojivosti obavljanja poslova člana predmetne Komisije sa ograničenjima državnog službenika u skladu sa članom 26. Zakona o državnoj službi u Kantonu Sarajevo ("Sl. novine KS", br. 31/16) i člana 24. Zakona o inspekcijama Kantona Sarajevo ("Sl. novine KS" br. 2/17), traži da mu se izda saglasnost za obavljanje dodatne djelatnosti koja se odnosi na učešće u radu predmetne Komisije. Obzirom da je članom 31. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanje

određenih prava iz radnog odnosa ("Sl. novine KS", br. 39/16 i 10/17), propisano da državni službenik može obavljati dopunsku djelatnost za koju se plaća naknada u slučajevima koji se odnose na pružanje raznih stručnih usluga iz oblasti ekonomskih, tehničko – tehnoloških i pravnih poslova, kao što je izrada programa, projektovanje, računovodstveni, finansijski i pravni poslovi, edukacija i obrazovanje, rad u različitim stručnim komisijama ili radnim grupama .." zahtjevu je udovoljeno pod uslovima utvrđenim u stavu 1. i 2. Rješenja, iz razloga što je članom 24. Zakona o inspekcijama Kantona Sarajevo ("Sl. novine KS" br. 2/17), a koji reguliše pitanje ograničenja inspektora u obavljanju drugih poslova, propisano da "Inspektor ne može obavljati privredne, trgovačke ili druge djelatnosti i poslove za sebe ili drugog poslodavca iz oblasti i na području na kojem vrši inspeksijski nadzor, niti učestvovati u radu stručnih komisija i tijela organa uprave koji daju dozvole, mišljenja ili druge akte za izdavanje dozvola za obavljanje djelatnosti koje podliježu tom inspeksijskom nadzoru, niti izrađivati projekte, elaborate, studije i analize po narudžbi poslovnog subjekta uz naknadu". Dopunska djelatnost za koju je data saglasnost može se obavljati isključivo pod uslovom da ne remeti obavljanje službenih poslova za koje je zadužen državni službenik, što podrazumijeva rad izvan radnog vremena ili mogućnost da državni službenik u dane obavljanja dopunske djelatnosti uz prethodnu saglasnost neposrednog rukovodioca koristi dane godišnjeg odmora. Ukoliko državni službenik ne bude poštovao navedeni uslov pod kojim je data saglasnost, ista će biti ukinuta.

Pravna pouka: Protiv ovog rješenja može se izjaviti žalbu Odboru državne službe za žalbe F BiH u roku od 15 (petnaest) dana od dana prijema istog. ~~Žalba se podnosi putem ovog organa.~~



Dostavlja se:

1. Imenovanoj
2. Odjeljenje za COP
3. SSSZ
4. KUIP KS
5. Glavni inspektor
6. a/a